



Broj: 01/1-50-1-1-105/10
Sarajevo, 24.6.2010.

Z A P I S N I K

105. sjednice Ustavnopravne komisije

Sjednica je održana 24.6.2010., s početkom u 10 sati.

Sjednici su prisustvovali članovi Komisije: Šefik Džaferović, Velimir Jukić, Lazar Prodanović, Momčilo Novaković, Ekrem Ajanović i Adem Huskić.

Članovi Komisije Drago Kalabić, Halid Genjac i Martin Raguž nisu prisustvovali sjednici.

Sjednici su prisustvovali i predstavnici: Komisije za koncesije BiH Hamed Mešanović, Instituta za intelektualno vlasništvo BiH Lidija Vignjević, OSCE-a Adnan Habul, USAID-a Nedim Hogić i Christian Haupt, iz Zakonodavno-pravnog sektora PSBiH Aida Kreho te iz Sektora za odnose s javnošću PSBiH Zoran Brkić.

Sjednici su prisustvovali i sekretar Komisije Igor Bajić i savjetnik Nedžad Salman.

Nakon rasprave Komisija je jednoglasno usvojila sljedeći

D N E V N I R E D

1. Usvajanje Zapisnika 103. i 104. sjednice Ustavnopravne komisije;
2. Prijedlog zakona o međunarodnom i međuentitetskom cestovnom prijevozu predlažać: Vijeće ministara Bosne i Hercegovine, broj: 01,02-02-3-44/10 od 16.6.2010. godine (**usklađenost s Ustavom Bosne i Hercegovine i pravnim sistemom Bosne i Hercegovine – postupak u skladu sa članom 103. Poslovnika Doma**);
3. Prijedlog zakona o izmjenama Zakona o upravnim sporovima Bosne i Hercegovine, predlažać: Vijeće ministara Bosne i Hercegovine, broj: 01,02-02-5-39/10 od 4.6.2010. godine (**usklađenost s Ustavom Bosne i Hercegovine i pravnim sistemom Bosne i Hercegovine i principi predloženog zakona – postupak u skladu sa članovima 103. i 104. Poslovnika Doma**);
4. Prijedlog okvirnog zakona o besplatnoj pravnoj pomoći, predlažać: Vijeće ministara Bosne i Hercegovine, broj: 01,02-02-3-42/10 od 8.6.2010. godine (**usklađenost s Ustavom Bosne i Hercegovine i pravnim sistemom Bosne i Hercegovine i principi predloženog zakona – postupak u skladu sa članovima 103. i 104. Poslovnika Doma**);
5. Prijedlog zakona o volontiranju, predlažać: Vijeće ministara Bosne i Hercegovine, broj: 01,02-02-7-41/10 od 8.6.2010. godine (**usklađenost s Ustavom Bosne i Hercegovine i pravnim sistemom Bosne i Hercegovine i principi predloženog zakona – postupak u skladu sa članovima 103. i 104. Poslovnika Doma**);
6. Prijedlog zakona o autorskom i srodnim pravima, predlažać: Vijeće ministara Bosne i Hercegovine, broj: 01,02-02-2-5/10 od 18.1.2010. godine (**postupak u nadležnoj komisiji na osnovu zaključka Doma sa 77. i 78. sjednice, razmatranje amandmana i izvještaja radne grupe Komisije – u skladu sa članom 110. Poslovnika Doma**);
7. Prijedlog zakona o kolektivnom ostvarivanju autorskog i srodnih prava, predlažać: Vijeće ministara Bosne i Hercegovine, broj: 01,02-02-2-4/10 od 18.1.2010. godine (**postupak u nadležnoj komisiji**).

na osnovu zaključka Doma sa 77. i 78. sjednice, razmatranje amandmana i izvještaja radne grupe Komisije – u skladu sa članom 110. Poslovnika Doma);

8. Prijedlog izmjena i dopuna Kodeksa ponašanja poslanika i delegata u Parlamentarnoj skupštini Bosne i Hercegovine, predlagač: Zajednička komisija za ljudska prava, prava djeteta, mlade, imigracije, izbjeglice, azil i etiku, broj: 01,02-34-6-649/10 od 4.6.2010. godine. (usklađenost s Ustavom Bosne i Hercegovine i pravnim sistemom Bosne i Hercegovine – postupak u skladu sa članovima 102. i 103. Poslovnika Doma);

9. Ostala pitanja:

- Inicijativa poslanice Mirjane Malić, broj: 01-50-3-709/10 od 4.6.2010. (razmatranje inicijative – postupak u skladu s članom 41. stav (2) u vezi s članom 64. stav (2) Poslovnika Doma);
- Inicijativa poslanice Azre Hadžiahmetović, broj: 01-50-3-695/10 od 4.6.2010. (razmatranje inicijative – postupak u skladu s članom 41. stav (2) u vezi s članom 64. stav (2) Poslovnika Doma);
- Izvještaj o radu Komisije za koncesije Bosne i Hercegovine za 2009. godinu, broj:01,02-50-3-758/10 od 9.6.2010. godine (razmatranje izvještaja – postupak u skladu s članom 41. stav (2) u vezi s članom 64. stav (2) Poslovnika Doma);
- Prijedlog za imenovanje člana Komisije za koncesije Bosne i Hercegovine iz Federacije Bosne i Hercegovine broj: 01,02-50-3-753/10 od 8.6.2010. godine (razmatranje prijedloga – postupak u skladu s članom 41. stav (2) u vezi s članom 64. stav(2) Poslovnika Doma).

Ad.1. Usvajanje Zapisnika 103. i 104. sjednice Ustavnopravne komisije;

Komisija je jednoglasno usvojila zapisnike 103. i 104. sjednice.

Ad.2. Prijedlog zakona o međunarodnom i međuentitetskom cestovnom prijevozu predlagač: Vijeće ministara Bosne i Hercegovine, broj: 01,02-02-3-44/10 od 16.6.2010. godine (usklađenost s Ustavom Bosne i Hercegovine i pravnim sistemom Bosne i Hercegovine– postupak u skladu sa članom 103.Poslovnika Doma);

Komisija je nakon rasprave jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom BiH i pravnim sistemom BiH.

Ad.3. Prijedlog zakona o izmjenama Zakona o upravnim sporovima Bosne i Hercegovine, predlagač: Vijeće ministara Bosne i Hercegovine, broj: 01,02-02-5-39/10 od 4.6.2010. godine (usklađenost s Ustavom Bosne i Hercegovine i pravnim sistemom Bosne i Hercegovine i principi predloženog zakona – postupak u skladu sa članovima 103. i 104. Poslovnika Doma);

Komisija je nakon rasprave jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom BiH i pravnim sistemom BiH.

Ustavnopravna komisija jednoglasno je podržala principe Prijedloga zakona o izmjenama Zakona o upravnim sporovima Bosne i Hercegovine.

Ad.4. Prijedlog okvirnog zakona o besplatnoj pravnoj pomoći, predlagač: Vijeće ministara Bosne i Hercegovine, broj: 01,02-02-3-42/10 od 8.6.2010. godine (usklađenost s Ustavom Bosne i Hercegovine i pravnim sistemom Bosne i Hercegovine i principi predloženog zakona – postupak u skladu sa članovima 103. i 104. Poslovnika Doma);

Komisija je nakon rasprave jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom BiH i pravnim sistemom BiH.

Ustavnopravna komisija jednoglasno je podržala principe Prijedloga okvirnog zakona o besplatnoj pravnoj pomoći.

Ad.5. Prijedlog zakona o volontiranju, predlagač: Vijeće ministara Bosne i Hercegovine, broj: 01,02-02-7-41/10 od 8.6.2010. godine (usklađenost s Ustavom Bosne i Hercegovine i pravnim sistemom Bosne i Hercegovine i principi predloženog zakona – postupak u skladu sa članovima 103. i 104. Poslovnika Doma);

Komisija je nakon rasprave, sa pet glasova „za“, bez glasova „protiv“ i jednim glasom „suzdržan“, utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom BiH i pravnim sistemom BiH.

Ustavnopravna komisija je, sa pet glasova „za“, bez glasova „protiv“ i jednim glasom „suzdržan“, podržala principe Prijedloga zakona o volontiranju.

Ad.6. Prijedlog zakona o autorskom i srodnim pravima, predlagač: Vijeće ministara Bosne i Hercegovine, broj: 01,02-02-2-5/10 od 18.1.2010. godine (postupak u nadležnoj komisiji na osnovu zaključka Doma sa 77. i 78. sjednice, razmatranje amandmana i izvještaja radne grupe Komisije – u skladu sa članom 110. Poslovnika Doma);

Predsjedavajući je otvorio raspravu u kojoj su učestvovali članovi Komisije: Momčilo Novaković, Adem Huskić, Šefik Džaferović i direktorica Instituta za intelektualno vlasništvo BiH Lidija Vignjević.

Nakon rasprave Ustavnopravna komisija je jednoglasno usvojila usaglašeni Amandman I. na Prijedlog zakona o autorskom i srodnim pravima koji glasi:

Amandman I.

U članu 170. stav (1) mijenja se i glasi: „(1)Novčanom kaznom u iznosu od 1.000 KM do 200.000 KM kaznit će se za prekršaj pravno lice, a novčanom kaznom u iznosu od 1.000 KM do 20.000 KM kaznit će se za prekršaj preduzetnik ako:”

Komisija je jednoglasno konstatovala da dosadašnji izvještaji Ustavnopravne komisije o Prijedlogu zakona o autorskom i srodnim pravima ostaju nepromjenjeni.

Nakon rasprave Ustavnopravna komisija s pet glasova „za“, bez glasova „ protiv“ i s jednim glasom „suzdržan“:

- predlaže Predstavničkom domu da usvoji Dopunu Izvještaja o Prijedlogu zakona o autorskom i srodnim pravima;
- predlaže Predstavničkom domu da usvoji Prijedlog zakona o autorskom i srodnim pravima sa usvojenim amandmanima;
- u skladu s članom 113. Poslovnika Predstavničkog doma Parlamentarne skupštine Bosne i Hercegovine, za izvjestioca u plenarnoj fazi imenovala predsjedavajućeg Komisije.

Ad.7. Prijedlog zakona o kolektivnom ostvarivanju autorskog i srodnih prava, predlagač: Vijeće ministara Bosne i Hercegovine, broj: 01,02-02-2-4/10 od 18.1.2010. godine (postupak u nadležnoj komisiji na osnovu zaključka Doma sa 77. i 78. sjednice, razmatranje amandmana i izvještaja radne grupe Komisije – u skladu sa članom 110. Poslovnika Doma);

Predsjedavajući je otvorio raspravu u kojoj su učestvovali članovi Komisije: Momčilo Novaković, Adem Huskić, Šefik Džaferović i direktorica Instituta za intelektualno vlasništvo BiH Lidija Vignjević.

Na Prijedlog zakona o kolektivnom ostvarivanju autorskog i srodnih prava poslanik Momčilo Novaković podnio je dvadesetri amandmana, a poslanik Drago Kalabić pet amandmana.

Nakon rasprave Ustavna komisija je usvojila devet novih usaglašenih amandmana na Prijedlog zakona o kolektivnom ostvarivanju autorskog i srodnih prava.

Komisija je jednoglasno usvojila Amandman I. koji glasi:

Amandman I.

U članu 3. u stavu (1) tačka c) mijenja i glasi: „ c) objavljivanje usaglašene tarife o visini naknada za korištenje autorskih djela i upoznavanje korisnika sa visinama tih naknada;”

U članu 3. u stavu (1) u tački i) na kraju teksta dodaje se rečenica koja glasi: „U promotivne aktivnosti kolektivne organizacije treba uključiti sve radio stanice i televizije koje su registrovane u Regulatornoj agenciji za komunikacije Bosne i Hercegovine (RAK), zbog ravnopravnosti korisnika.”

Komisija je jednoglasno usvojila Amandman II. koji glasi:

Amandman II.

U članu 10. stav (3), mijenja se i glasi: „ (3) Bliže propise za provođenje stava (2) tačka c), d) i e) ovog člana donosi Institut.”

Komisija je jednoglasno usvojila Amandman III. koji glasi:

Amandman III.

U članu 12. stav (5) mijenja se i glasi: „ (5) Kolektivna organizacija dužna je pravovremeno obavijesti Institut i korisnike o održavanju sjednica skupštine i drugih organa i omogućiti ovlaštenim predstavnicima Instituta i korisnika da prisustvuju tim sjednicama. Predstavnici Instituta i korisnika imaju pravo na sjednicama organa kolektivne organizacije davati mišljenja o svim pitanjima koja se odnose na poslove kolektivnog ostvarivanja autorskog prava, ali nemaju pravo glasa.”

Komisija je jednoglasno usvojila Amandman IV. koji glasi:

Amandman IV.

U članu 13. u stavu (2) u tački d) riječi: „i ponovnu”, brišu se.

Komisija je jednoglasno usvojila Amandman V. koji glasi:

Amandman V.

U članu 23. stav (3) u tački f) zarez i riječ : „, naročito “ brišu se.

U članu 23. stav (5) mijenja se i glasi:

„(5) Izuzetno od odredbe stava (3) ovoga člana osnov za određivanje primjerene tarife za elektronske medije je neto prihod ostvaren od sponzorstva muzičkih emisija, prihod od redovnog oglašavanja u marketing prostoru radija ili televizije. U osnov ne ulaze prihodi ostvareni sponzorisanjem emisija istraživačkog novinarstva ili informativnih emisija, vremenske prognoze i sporta, obrazovnih i edukativnih emisija, donacije, sponzorstva nemuzičkih dijelova programa.”

Komisija je jednoglasno usvojila Amandman VI. koji glasi:

Amandman VI.

Član 26. briše se. Dosadašnji članovi 27. do 50. postaju članovi 26. do 49.

Komisija je jednoglasno usvojila Amandman VII. koji glasi:

Amandman VII.

U članu 28. koji je postao član 27. stav (3) mijenja se i glasi: „ (3) Kolektivna organizacija obavezna je o svom trošku elektronskim medijima staviti na raspolaganje kompjuterski program koji će automatski evidentirati emitovana autorska djela koja se mogu elektronskom poštom slati kolektivnoj organizaciji.”

Komisija je jednoglasno usvojila Amandman VIII. koji glasi:

Amandman VIII.

U članu 30. koji je postao član 29. stav (2) briše se.

Komisija je jednoglasno usvojila Amandman IX. koji glasi:

Amandman IX.

U članu 42. koji je postao član 41. stav (1) mijenja se i glasi: „ (1) Novčanom kaznom u iznosu od 1.000 KM do 100.000 KM kazniće se za prekršaj pravno lice a novčanom kaznom u iznosu od 1.000 KM do 10.000 KM kazniće se za prekršaj preduzetnik ako:”.

Komisija, sa dva glasa „za“, četiri glasa „protiv“ i bez glasova „suzdržan“, nije prihvatila amandmane I, II, III, IV i V poslanika Drage Kalabića.

Komisija je jednoglasno konstatovala da dosadašnji izvještaji Ustavnopravne komisije o Prijedlogu zakona o kolektivnom ostvarivanju autorskog i srodnih prava ostaju nepromjenjeni.

Nakon rasprave Ustavnopravna komisija s pet glasova „za“, bez glasova „protiv“ i s jednim glasom „suzdržan“:

- predlaže Predstavničkom domu da usvoji Dopunu Izvještaja o Prijedlogu zakona o kolektivnom ostvarivanju autorskog i srodnih prava;
- predlaže Predstavničkom domu da usvoji Prijedlog zakona o kolektivnom ostvarivanju autorskog i srodnih prava sa svim usvojenim amandmanima;
- u skladu s članom 113. Poslovnika Predstavničkog doma Parlamentarne skupštine Bosne i Hercegovine, za izvjestioca u plenarnoj fazi imenovala predsjedavajućeg Komisije.

Ad.8. Prijedlog izmjena i dopuna Kodeksa ponašanja poslanika i delegata u Parlamentarnoj skupštini Bosne i Hercegovine, predlagač: Zajednička komisija za ljudska prava, prava djeteta, mlade, imigracije, izbjeglice, azil i etiku, broj: 01,02-34-6-649/10 od 4.6.2010. godine. (usklađenost s Ustavom Bosne i Hercegovine i pravnim sistemom Bosne i Hercegovine – postupak u skladu sa članovima 102. i 103. Poslovnika Doma);

Komisija je nakon rasprave jednoglasno utvrdila da:

- postoji valjan ustavnopravni osnov Prijedloga izmjena i dopuna Kodeksa ponašanja poslanika i delegata u Parlamentarnoj skupštini Bosne i Hercegovine;
- je Prijedlog izmjena i dopuna Kodeksa ponašanja poslanika i delegata u Parlamentarnoj skupštini Bosne i Hercegovine usklađen sa Ustavom BiH i pravnim sistemom BiH.

Ad.9. Ostala pitanja:

- **Inicijativa poslanice Mirjane Malić, broj: 01-50-3-709/10 od 4.6.2010. (razmatranje inicijative – postupak u skladu s članom 41. stav (2) u vezi s članom 64. stav (2) Poslovnika Doma);**

Nakon rasprave Ustavnopravna komisija je, sa pet glasova „za“, bez glasova „protiv“ i jednim glasom „suzdržan“:

- utvrdila da je inicijativa podnesena u skladu s odredbom člana 8. Poslovnika Doma;
- podržala navedenu inicijativu i dostavlja je Predstavničkom domu u dalju proceduru.

- **Inicijativa poslanice Azre Hadžiahmetović, broj: 01-50-3-695/10 od 4.6.2010. (razmatranje inicijative – postupak u skladu s članom 41. stav (2) u vezi s članom 64. stav (2) Poslovnika Doma);**

Nakon rasprave Ustavnopravna komisija je, sa četiri glasa „za“, bez glasova „protiv“ i dva glasa „suzdržan“:

- utvrdila da je inicijativa podnesena u skladu s odredbom člana 8. Poslovnika Doma,
- podržala navedenu inicijativu i dostavlja je Predstavničkom domu u dalju proceduru.

- **Izvještaj o radu Komisije za koncesije Bosne i Hercegovine za 2009. godinu, broj:01,02-50-3-758/10 od 9.6.2010. godine (razmatranje izvještaja – postupak u skladu s članom 41. stav (2) u vezi s članom 64. stav (2) Poslovnika Doma);**

Ustavnopravna komisija je nakon rasprave jednoglasno:

- usvojila Izvještaj o radu Komisije za koncesije Bosne i Hercegovine za 2009. godinu;

- predlaže Predstavničkom domu da usvoji Izvještaj o radu Komisije za koncesije Bosne i Hercegovine za 2009. godinu.
- **Prijedlog za imenovanje člana Komisije za koncesije Bosne i Hercegovine iz Federacije Bosne i Hercegovine broj: 01,02-50-3-753/10 od 8.6.2010. godine (razmatranje prijedloga – postupak u skladu s članom 41. stav (2) u vezi s članom 64. stav(2) Poslovnika Doma).**

Nakon rasprave Ustavnopravna komisija je jednoglasno prihvatila Prijedlog za imenovanje člana Komisije za koncesije Bosne i Hercegovine iz Federacije Bosne i Hercegovine i predlaže Predstavničkom domu njegovo usvajanje.

Sjednica Komisije završena je u 11 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović